

題無上九霄玉清大梵紫微仙都雷霆玉經

武夷張元瑞僑寓仙城積善之家也刊施雷經章釐其句字求其義遺其子著訂訛於余余謂之曰楊柳姮娥之語此雷部隱旨也不可致詰神之毋忽

題張紫陽薛紫賢真人像

昔李亞以金汞刀圭火符之訣傳之鍾離權權以是傳呂巖叟巖叟以是傳之劉海蟾劉傳之張伯端張於難中感杏林石泰之德因以傳之秦邠州人也事成游毗陵授之於蜀僧道光光之門有行者道楠號爲陳泥丸卽先師也偶緣道過太平宮觀壁間張平叔僧道光之像感前賢之已說嗟塵世之不仙思鸞鶴之未來對江山而無味張乃紫陽真人太微第四星也道光姓薛號爲紫賢石公乃翠元先生先師則翠虛真人也海南白玉蟾因訪知宮蔡長卿於是乎書

題周圓通策籙歌

上清靈寶圓通法師周君以寧舊諱大鼎字國寶少游方外歸賦策籙歌四海學者裹糧掘趨戶外滿屢投詞山峙靈通妙應在人耳目公享人間九十壽一從仙去得公法者何啻二三百人甲以告乙乙以傳丙圓通一派幾何人哉惟紫樞林君時中深味淨明之髓以壽圓通之脈又從而續公之歌愚不知策籙所謂恐只於詮圓通之大義也否則龐居士何爲而業於策籙

道藏輯要

白真人集

四

三

婁集四
×川川

歟周君作於前林君述於後余復跋之是謂三人證龜成髓者也讀此歌者毋徒於策籬而求圓通當於策籬外索之可也

辭

讚救苦經辭

集救苦經句

太上靈寶天尊說救苦經者雲藏寶笈乃東華帝闕之眞書煙鎖琅函爲太乙慈尊之秘典空中灼灼妙哉大洞之經天上冥冥皆成大道之力第一委氣而第二順氣以制九天塊東南度命而東北度仙遍滿十方界還將上天氣寥寥化作泥丸仙以伏諸魔精渺渺高超仙源路天上六六而地下六六其數如沙塵劫前三三而劫後三三自然有別體使眾生如盲見日月以

道藏輯要

白真人集

四

齒

婁集四
八八二

威神救拔諸迷途成無上道而作無上尊以著威神力救一切罪而度一切厄以通祥感機混然無分天氣歸一身之內善見救苦虛空皆遍體之眞故成萬法而主光明乃領無邊而歸太上初發玄元始不知空洞有虛皇普濟度天人但見紫雲覆黃老誠太妙至極之旨皆玄上玉宸之言堪嗟罪障實可哀我今念誦無休息朗誦罪福句自然心垢之清是名三寶君我本太無之際向來諷誦此經者莫不代天尊而演說經教體大道以引接淨生月明玄貞萬福之宮香花繚繞星拱玉虛明皇之殿花雨繽紛天堂享福而地獄無聲慶雲開生而祥煙塞死玉寶皇上乘旛下入開光門無量太華勅命上登朱陵府念太靈虛皇